

**D<sup>a</sup>. M<sup>a</sup> JESÚS LAGO REY, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na sesión extraordinaria e urxente do **28 de decembro de 2012**, adoptou o seguinte acordo:

**25.- PROGRAMA DE SUBVENCIÓNS DIRECTAS INDIVIDUAIS DE EMERXENCIA ANO 2013. EXPTE. 80007/301.**

Examinadas as actuacións do expediente, visto o informe-proposta do 21-12-12 da técnica de Actividades Económicas, conformado polo xefe de área e pola concelleira delegada de Benestar Social, vistos os informes xurídico e de fiscalización da Intervención Xeral Municipal de datas 27 e 28 de decembro de 2012, respectivamente, a Xunta de Goberno Local acorda:

Primeiro.- Aprobar o marco de actuación do do programa de subvencións directas individuais para a prevención, asistencia e promoción social.

Segundo.- Autorizar o gasto de 445.000 euros con cargo a partida 2310.480.00.00 ou a súa bolsa de vinculación, e 20.000 euros con cargo á partida 3133.480.00.00, para facer fronte as axudas económicas individuais de emerxencia para no exercicio 2013, correspondentes os centros de gasto 2310 –Benestar Social- e 3133 –CEDRO- dependentes da Concellería de Política de Benestar, facultando á Concelleira-Delegada de Política de Benestar para a aprobación e concesión, no seu caso, das concretas axudas económicas a favor dos usuarios de benestar social.

Terceiro.- O expediente tramitarase como anticipado de gasto, condicionado á existencia de crédito axeitado e suficiente no orzamento do Concello para 2013. Dado que o Capítulo VII non ten carácter de prorrogable, se autorizará o gasto de 50.000 euros con cargo á partida 2310.780.00.00, unha vez que se aprobe o orzamento definitivo do ano 2013,, sempre que exista consignación orzamentaria.

Cuarto.- Autorizar a realización de libramentos a xustificar, à solicitude de Política de Benestar e de CEDRO, a realización ata os importes máximos indicados no apartado segundo e terceiro a nome de funcionarias/os habilitadas/os dos indicados departamentos e que serán aboadas nas contas restrinxidas da Tesourería Municipal.

**MARCO DE ACTUACIÓN PARA O DESENVOLVEMENTO DO PROGRAMA DE PRESTACIÓNS INDIVIDUAIS MUNICIPAIS NON PERIÓDICAS DE EMERXENCIA SOCIAL PARA O ANO 2013**

*A Lei 7/1985 Reguladora de Bases de Réxime Local, no seu artigo 25.2.k e a Lei 5/97 de Administración Local de Galicia no seu artigo 80.2.k), establecen a competencia dos municipios na prestación dos servizos sociais e de promoción e inserción social.*

*Os servizos sociais municipais, tanto os comunitarios como os especializados, traballan co obxectivo de garantir a atención das necesidades básicas do conxunto da poboación, especialmente dos colectivos con maiores dificultades de inserción, de acordo cos principios da Lei 13/2008, do 3 de decembro, de Servizos sociais de Galicia.*

*En xeral, e como metodoloxía de traballo, os servizos sociais municipais prestan unha atención integral as persoas, baseada no esforzo da súa autodeterminación e a potenciación dos seus propios recursos e os do seu entorno familiar e comunitario, contando con un conxunto de prestacións entre as que se inclúen as municipais como resposta as carencias na cobertura das necesidades sociais detectadas.*

*Para acadar ese fin apróbase o presente marco de actuación para o desenvolvemento dos procedementos aplicables para o outorgamento das axudas directas non periódicas, de*

carácter individual e de emerxencia, para o ano 2013, no marco xurídico definido na Lei 9/2007, do 13 de xuño, de subvencións de Galicia, e de acordo cos criterios normativos e regulamentarios aprobados polo Concello de Vigo de forma específica, en relación as subvencións, dentro das bases de execución orzamentaria

### **CRITERIOS DE ACTUACIÓN**

#### **Primeira.- Obxecto**

É o conxunto de disposicións dinerarias excepcionais, de carácter propio o subsidiario e/ou complementario doutro tipo de recursos económicos previstos na lexislación vixente, suxeitos o cumprimento dos fins indicados na base segunda e coma parte do conxunto de intervencións e actuacións específicas de emerxencia.

#### **Segunda.- Finalidade**

- a) Apoiar a aquelas persoas, familias ou colectivos que carecen de recursos económicos para afrontar necesidades básicas en relación á alimentación, aloxamento provisional, transporte, ou calquera situación que poida supoñer un factor de marxinalidade ou risco de exclusión social.

#### **Terceira.- Clasificación das prestacións**

- a) Prestacións económicas que serán entregadas en metálico, cheque bancario ou mediante transferencia
- b) Prestacións económicas efectuadas a provedores, arrendatarios, subministradores, etc dos usuarios ou beneficiarios do programa.

#### **Cuarta.- Ámbito de aplicación**

O programa de prestacións individuais non periódicas, diríxese a aquelas persoas e familias que se atopan en situación de necesidade social, empadroadas no Concello de Vigo cunha antigüidade de, cando menos, tres meses, agás naqueles casos de urxencia que a Comisión de valoración indicada na base sétima, valore como excepcionais

#### **Quinta.- Crédito orzamentario**

A concesión das prestacións axustarase no seu conxunto ás partidas de gasto 480.00.00 dos programas 2310 -Benestar Social- e 3133 - CEDRO – en base os seguintes créditos:

Partida	Importe
2310.480.00.00	445.000,00 €.

3133.480.00.00	20.000,00 €.
----------------	--------------

As axudas que se concedan destinadas á adaptación do fogares (eliminación de barreiras e/ou pequenos arranxos para mellorar o desenvolvemento diario no entorno), diríxense, preferentemente, a persoas maiores ou con discapacidade que teñan limitada a súa mobilidade e o gasto será contemplado na Partida 780.00.00 do funcional 2310 en base ao seguinte crédito:

Partida	Importe
2310.780.00.00	50.000,00 €.

Non obstante, si se dera un incremento na demanda que xere un gasto superior ó previsto, modificaranse as partidas na medida que fose necesario, sempre que haxa recursos financeiros suficientes e de acordo á legalidade vixente en materia orzamentaria.

### **Sexta.- Requisitos**

Poderán ser titulares do programa de prestacións individuais non periódicas tódalas persoas ou unidades familiares comprendidas na base cuarta.

Non se poderá acceder a estas axudas cando, de existir, non se teñan utilizado as canles que outras Administracións teñan establecido e para a mesma natureza, agas que sexa para complementar o importe concedido

Non se poderá acceder a estas axudas, cando se perda o dereito a unha prestación pública recoñecida por causas imputables as persoas solicitantes das axudas.

Non se concederán este tipo de axudas se non se teñen xustificadas as concedidas ata o momento da solicitude

### **Sétima.- Natureza e contía das axudas**

#### Natureza das axudas

Indícanse, con carácter xeral, os seguintes conceptos de prestacións:

1.-De vivenda, polos seguintes conceptos:

- Gastos de aluguer cando existan garantías de continuidade na vivenda.
- Créditos hipotecarios en evitación de desafiuzamentos, sempre que non se disfrutara xa de axudas públicas por este concepto durante os períodos de adeudo.
- Débedas de comunidade.
- Mobiliario de primeira necesidade
- Débedas de enerxía eléctrica, augas e gas.

2.-Gastos de aloxamento.

3.- Alimentación básica.

4.- Gastos de atención sanitaria non cubertos polo sistema público de saúde.

5.- Gastos persoais.

En todo caso, as axudas concedidas teñen carácter temporal e extraordinario e non poderán ser invocadas como precedente.

Contías máximas das axudas segundo a súa natureza:

#### **1.-Vivenda**

Alugamentos, desafiuzamentos e gastos de comunidade, ata un máximo de 3.000 euros por vivenda e ano.

Mobiliario de primeira necesidade ata un máximo de 1.000 euros anuais por vivenda.

Débedas de subministros ( enerxía eléctrica, auga e gas), ata un máximo de 800 euros por vivenda e ano.

## **2.-Alimentación**

Ata un máximo de 530 € mensuais ou 3.180 € anuais, de acordo co seguinte baremo:

MEMBROS UNIDADE FAMILIAR	EUROS MES	EUROS ANUAIS
1	150	900
2	220	1.320
3	290	1.740
4	350	2.100
5	400	2.400
6	450	2.700
7 ou mais	500	3.000

3.- Gastos de atención sanitaria non cubertos polo sistema público de saúde -adquisición, reparación e adaptación de gafas, ortopedia e próteses-, baixo prescrición facultativa, ata un máximo de 750 euros anuais.

4.- Gastos persoais, ata un máximo de 400 euros anuais.

5.-Para as axudas que se concedan destinadas á adaptación do fogares (eliminación de barreiras e/ou pequenos arranxos para mellorar o desenvolvemento diario no entorno), ata un máximo de 3.000 euros por vivenda e ano

### Comisión de Valoración

A Comisión de Valoración estará integrada polo Xefe de Área de Política de Benestar, a Xefa de Servizo, a técnica de Actividades Económicas do departamento, a técnica responsable do programa de prestacións, dúas traballadoras sociais das UTS e unha traballadora social de CEDRO.

A Comisión recibirá as solicitudes das traballadoras sociais e propoñerá a concesión segundo principios de igualdade, obxectividade e non discriminación, axustándose ao presente marco de actuación, tanto na natureza das axudas como nas contías.

En casos excepcionais a/o profesional correspondente e a/o responsable do programa poderán determinar a contía e proximidade do abono en caso de que a situación non permita demorarse ata o pronunciamiento da Comisión de Valoración, a quen se elevará na primeira reunión que se celebre.

A concelleira/delegada de Política de Benestar será a competente para aprobación das axudas e previa proposta da Comisión de Valoración, resolverá dentro dos límites legalmente establecidos

### Procedemento de concesión e xustificación

As/os traballadoras/es sociais das UTS ou programas especializados que resulten competentes en cada caso, recibirán as solicitudes e valorarán a procedencia das mesmas.

As/os traballadoras/es sociais das UTS, logo da valoración profesional de cada caso – membros da unidade familiar, problemática familiar, ingresos económicos. etc-, presentará ante a Comisión de Valoración a solicitude que comprenderá a citada valoración, a natureza da axuda e a contía.

Concedida a axuda, o beneficiario asinará a recepción da mesma -Anexo I- e disporá de un prazo de dez días naturais a contar dende a recepción da mesma, para presentar a xustificación, ante a/o traballadora/or social da zona, mediante facturas ou documentos acreditativos do gasto realizado.

No caso de axudas para alimentación, os tickets de compra custodiaranse no departamento de Benestar Social. Nos casos nos que a axuda sexa para pagar a terceiros, achegarase ao recibín –Anexo I- a factura correspondente ou copia da transferencia bancaria.

#### **Oitava.- Solicitudes de fondos**

Á solicitude dos departamentos de Benestar Social e Cedro, realizarase o correspondente expediente de gastos a xustificar para a execución destas axudas en relación a conta delegada de Benestar Social número 2080 5000 67 3110242616, e a conta delegada de CEDRO, número 2080 5000 61 3110290285 o importe das cantidades solicitadas con cargo ás partidas 2310.480.00.00 e 3133.480.00.00 e no seu caso para a partida 2310.780.00.00.

#### **Novena.- Obriga dos beneficiarios**

1. *Aplica-la prestación á finalidade para a que foi concibida.*
2. *Comunica-los cambios que puideran dar lugar á modificación, suspensión ou acumulación da prestación.*
3. *Reintegra-lo importe da prestación indebidamente percibida ou en contía indebida.*
4. *Comunicar calquera cambio de domicilio.*
5. *Cumpri-las condicións que especialmente lle sexan impostas polo/a profesional dde traballo social correspondente.*
6. *Presentar as facturas xustificativas da axuda recibida, no prazo de dez días naturais, contados desde o día seguinte a sinatura da recepción da axuda.*

#### **Décima.- Publicidade das subvencións concedidas**

A concesión destas axudas queda exento de publicación por canto, en razón do obxecto da subvención, súa publicidade atentaría contra o respecto e a intimidade persoal e familiar das persoas físicas en virtude do establecido na Lei orgánica 1/1982, de 6 de maio, de protección civil do dereito ó honor, á intimidade persoal e a propia imaxe.

#### **Décimo primeira.- Seguimento e efectividade das prestacións.**

Os Servizos sociais municipais efectuarán o seguimento adecuado para controlar o bo fin das prestacións concedidas.

E para que así conste e produza os seus efectos, emito a presente certificación coa salvidade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a oito de xaneiro do ano dous mil trece.

rs

V. e Pr.  
O ALCALDE,

Abel Caballero Álvarez.